



Naalackersuinikkut sulinermut aningaasatigut tapiissuteqartarneq pillugu inatsisartut inatsisaata allanngortinneqarnissaannut Naalackersuisut UKA 15-imi allannguutissatut siunnersuuteqaqqullugit peqquneqarnissaannik Inatsisartut aalajangiiffigisassaattut siunnersuut, § 2 naapertorlugu partiinut tapiissutaasartut ersoqatigiinnerusumik agguataarneqarnissaat anguniarlugu, Partiinut qinigaasumut tunngaviusumik tapiissutit 900.000 koruuninut annertusillugit, Inatsisartunullu ilaasortamut ataatsimut 150.000 koruuninut annikillisillugit. Allannguut januarip aallaqqaataani 2016-imi atuutilersinneqarssaaq.

(Inatsisartunut Ilaasortaq Justus Hansen, Demokraatit)

Siullermeerneqarnera

Inatsisartunut ilaasortap Justus Hansen, Demokraatit siunnersuutaa Partii Naleqqamiit imannak oqaaseqarfigissuarput.

Partii Naleqqamiit isumaqarpugut partiitut ingerlanitsinni innuttaasunik sullissineq sallerpaajullunilu pingaarnerpaajusariaqartoq.

Isumaqarpugut Partiinut tapiissutaasartut pillugit partiit akunnerminni paaseqatigiiffiusumik aaqqissuuteqqissinnaagaat partiit ilai piiaaffiginngikkaluarlugit, kisiannili apeqqutaatillugu inuiaqatigiit qanoq ilillugit pitsaanerpaamik sullinniarnegit.

Nalunngilarput inuiaqatigiinni aningaasarpasuit aaqqiissutissanut assigiinngitsorpassuarnut pisariaqartinneqartut amigaatigaagut aamma angalanerit akisoorujussuupput.

Partii Naleqqamiit isumaqarpugut partiit akunnitsinni pitsaasumik suleqatigiinnerit minnerunngitsumillu innuttaasut oqallinnernut akuutinnerulissagutsigit TV radiolu innuttaasunik annertunerusumik piffissamillu sivisunerusumik atuiffiusumik oqallitsitsinerit akulikinnerusut

ammanerusumik atuutsinneqartariaqartut. Taamaaliornikkut innuttaasunut qaninnerusumik peqataatitsiffiunerusumillu Partiit sullissinerat pisinnaaqqullugu.

Isumaqarpugut TV radiou atorlugit oqallitsitsisarnerit innuttaasunik annertunerusumik peqataatitsiviusumik aamma partiit tamarmik peqataaffigisaannik ingerlanneqartalertuuppata, tamanna innuttaasunut partiinullu ajunnginnerusumik sunniuteqarsinnaasoq, partiit akunnerminni aningaasat pillugit pinnaanneranniit.

Siunnersuut taama isikkoqartillugu tapersinngilarput.